

附封爵

青邱者地方史志
資料摘錄集

名宦

一

西寧府新志卷之二十五

起核對

4.4

西寧府新志卷之二十五

官師志

西寧府

西寧縣 碾北縣 貴德所同載

名宦

凡有功德於民者列為名宦 其餘宦績武功詳綱領志內

漢霍去病大將軍青妙子也善騎射再從大將軍斬捕首夷過

當封冠軍侯元狩三年以驃騎將軍將萬騎出隴西有功

益封二千二百戶其夏與合騎侯敖俱出北地異道去病

深入涉鈞耆濟居延臻小月氏捕斬甚多遂開湟中益封

五千四百戶日以親貴比大將軍其後渾邪王與休屠王

等謀欲降漢乃令去病將兵往迎之渾邪王裨將頗遁去

去病乃馳入得與渾邪王相見斬其欲亡者八千人遂獨

遣渾邪王乘傳先詣行在所盡將其衆渡河降者數萬人

天子嘉之益封千七百戶元狩四年上令青去病各將五

萬騎出塞所斬捕功已多於青封狼居胥山登臨瀚海益

封五千八百戶卒謚景桓又西域傳曰漢興至於孝武事

破匈奴右地降渾邪休屠王
遂空其地始築令居以西

趙充國字翁孫隴西上邽人為入沈勇有大畧通知四夷事

以功擢為後將軍與霍光定策立宣帝封營平侯神爵元

年湟中羌楊玉等背畔充國年七十餘上老之使御史大

夫丙吉問誰可將者對曰無踰於老臣者矣又問將軍度

羌夷何如當用幾人曰百聞不如一見願馳至金城圖上
方略充國至金城曰擊夷以殄滅為期小利不足貪遂西
至西部都尉府日饗軍士堅守不戰時先零要罕开以自
固而諸將皆主擊罕开帝與廷臣並是諸將議已發兵六
萬人矣充國則謂宜捐罕开闇昧之過先行先零之誅再
上疏置書始報從充國引兵至先零在所夷久屯聚解弛
望見大軍棄車重渡湟水充國以窮寇無迫乃徐行驅之
夷且溺且降至罕开地不煩兵而下帝詔充國仍擊先零
充國度其必壞請罷騎兵屯田以待其敝遂上屯田十二
事留屯湟中明年五月充國奏言羌本可五萬人除斬降

溺饑死者定計遺脫與亡者不過四千人羌靡忘等自詭
必得請罷屯兵奏可充國振旅而還其秋羌人共斬楊玉
首以降初置金城屬國以處之充國老乞骸骨罷就第朝
廷每有四夷大議常問策焉甘露二年卒年八十六謚
壯侯

馬援字文淵扶風茂陵人也少有大志為人明須髮眉目如
畫關於進退尤善述前世行事又善兵策從世祖九年拜
為大中大夫因來歙奏言拜為隴西太守發步騎擊降先
零羌諸種有數萬屯聚寇鈔拒浩疊隘復與揚武將軍馬
成擊之羌因將其妻子輜重移阻於允吾谷援乃潛行間

道掩赴其營羌大驚潰復遠徙唐翼谷中援復追討之羌
引精兵聚北山上援陳軍向山而分遣數百騎繞襲其後
乘夜放火擊鼓叫噪夷遂大潰凡斬首千餘級取其穀糧
畜產而還援中矢貫脛帝以璽書勞之是時朝臣以金城
破羌之西塗遠多寇議欲棄之援上言破羌以西城多完
牢易可依固其田土肥壤灌溉流通如今羌在湟中則為
害不休不可棄也帝然之此建武十一年事也後徵入為
虎賁中郎將交趾女子徵側徵二反拜援伏波將軍事平
封新息侯征五溪蠻卒於壺頭年六十三至章帝謚忠成
侯

鄧訓字平叔高密元侯禹第六子也少有大志下士樂施章

帝章和二年護羌校尉張紆誘誅燒當種羌迷吾等由是

諸羌大怒謀欲報怨朝廷憂之公卿舉訓代紆為校尉諸

羌解仇交質期冰合渡河攻訓先是小月氏胡分居塞內

勝兵者二三千騎勇健富疆疆每與羌戰常以少制多雖首

施兩端漢亦時收其用時迷吾子迷唐兵至塞下未敢攻

訓先啟脅月氏胡訓擁衛稽故令不得戰羌無所掠又不

敢逼諸胡因即解去由是湟中諸胡皆言漢家常欲鬪我

曹今鄧使君待我以恩信開門內我妻子乃得父母咸歡

喜叩頭曰唯使君所命訓遂撫養其中少年勇者數百人

以為義從羌又賞賂諸羌種使相招誘迷唐叔父迷吾將其母及種人八百戶自塞外來降訓因發秦胡羌兵四千人出塞掩擊迷唐於雁谷斬首夷六百餘人得馬牛羊萬餘頭迷唐逃去大小榆谷衆悉破散其春復欲歸故地就田業訓乃發湟中六千人令長史任尚掩擊多所斬獲會尚等夜為羌所攻得義從羌并力破之斬首一千八百餘級獲生口三千人馬牛羊三萬餘頭一種殆盡迷唐始遠徙廬落西行千餘里諸羌皆款塞納質威信大行遂罷屯兵訓四年冬卒官年五十三吏人羌胡愛惜旦夕臨者數千人或以刀自割曰鄧使君死我輩亦俱死耳遂家家為

訓立祠元興元年和帝賜策追封謚曰平壽敬侯

段熲字紀明武威姑臧人也少便習弓馬尚遊俠輕財賄長
乃折節好古學初舉孝廉桓帝以司徒尹詒薦拜為中郎
將以破琅邪賊東郭甯等封列侯延熹二年遷護羌校尉
會燒當等八種羌寇金城塞熲將兵及湟中義從羌萬二
千騎出湟谷擊破之追討南渡河使軍吏田嬰夏育募先
登懸索相引復戰於羅亭大破之明年春又破燒何羌割
肉食雪四十餘日追至河首積石山出塞二千餘里又分
兵擊斬石城羌燒當種來降冬勒姐零吾種圍允街殺略
吏民熲排營敗之四年冬熲以胡閼之詢坐徵下獄輸作

左校羌遂陸梁唐突諸郡於是吏人守闕訟頰以數朝廷
知頰誣召問狀頰但謝罪不敢言枉京師稱為長者六年
冬復以頰為護羌校尉乘驛之職明年冬擊當煎勒姐種
連大破之凡斬西羌首二萬三千級獲生口數萬人馬牛
羊八百萬頭降者萬餘落封郡鄉侯永康元年頰復追擊
當煎諸種於鷲鳥大破之西羌自此弭定嗣平東羌更封
新豐縣侯頰行軍仁愛士卒疾病者躬自瞻省手為裹創
在邊十餘年未嘗一日蓐寢與將士同苦故皆樂為死戰
三年春徵還京師歷拜太尉坐王甫之黨飲鴆死獄中

晉馬隆字孝興東平平陸人也少而智勇好立名節初涼州刺

史楊欣失羌戎之和隆策其必敗俄而欣果沒於夷河西
斷絕武帝憂之隆請任其責聽其自任帝許之隆募三千
五百壯士以行至夷在所依八陣圖作偏廂車且戰且前
轉戰千里殺傷無算太康初朝廷以西平荒毀宜時興復
以隆為平夷護軍西平太守將所領精兵又給牙門一軍
屯據西平時南夷成矣每為邊患隆至帥軍討之夷據險
距守隆令軍士皆負軍器若將田者夷以隆無征討意御
衆稍怠隆因其無備進兵破之畢隆之政不敢為寇惠帝
永熙初奉封高縣侯加授東羌校尉積十餘年威信著於
隴右坐讒召還氏羌聚結百姓驚懼詔仍復職竟卒於官

隋慕容三藏燕人齊尚書左僕射紹宗子也幼聰敏多武略頗
有文風文帝開皇九年詔持節涼州道黜陟大使十二年
授廓州刺史州極西界與吐谷渾鄰接姦宄犯法者皆遷
配彼州流人多有逃逸及三藏至招納撫綏百姓愛悅襁
負日至吏民歌之帝聞其能屢有勞問其年當州畜產繁
孳獲醍醐奉獻十五年受疊州總管時討平党項羌煬帝
大業中改授金紫光祿大夫七年卒

梁毗字景和安定烏氏人文帝仁壽元年為鄯州刺史先是
蠻夷舊俗酋長皆服金冠以金多者為豪雋遞相陵奪累
無甯歲毗患之後因諸酋長相率以金遺毗毗置金坐側

而謂之曰此物饑不可食寒不可衣汝等以此相滅不可
勝數今將此來欲殺我耶一無所細於是蠻夷感悟遂不
相攻在州十一年帝聞而喜之徵為大理寺卿

唐李靖字藥師京兆三原人也姿貌魁秀通書史其舅韓擒虎
以為可與語孫吳兵法官尚書右僕射吐谷渾寇邊以靖
為青海道行軍大總管督任城王李道宗侯君集李大亮
李道彥高既生五總管兵討之軍次伏俟城吐谷渾盡火
其莽退保大非川諸將議春草未牙馬弱不可戰靖與君
集決策分二軍靖與大亮薛萬均以一軍趣北出其右君
集道宗以一軍趣南出其左靖將薩孤吳仁以輕騎戰曼

都山斬名王獲五百級諸將^戰心堆赤水源獲夷將南昌
王慕容孝僞登漢哭山戰烏海獲名王梁屈蔥破天柱部
落於赤海收雜畜二十萬大亮倂名王二十雜畜五萬次
且禾之西伏允走圖湊磧萬均界苾何力追亡數百里又
破之士乞水利馬飲血君集道宗行空荒之地二千里闔
月次星宿海望河源執失思力馳破夷車重兩軍會於大
非川踐其國國人多降伏允愁感自殺請更立其子大寗
王慕容順而還封魏國公太宗貞觀二十三年卒年七十
九謚景武

婁師德字宗仁鄭州原武人第進士高宗上元初為監察御

史會土蕃盜邊劉審禮戰歿師德奉使吐蕃諭國信感開
陳利害夷為畏悅後應詔假朝散大夫兼河源軍司馬與
吐蕃戰白水澗八戰八克武后復以河源積石懷遠軍及
河蘭鄯廓州檢校營田大使武后通天二年入為鳳閣侍
郎同平章事卒年七十謚貞師德長八尺方口博唇深沈
有度量能容人忤不見容色出將入相十三年恭謹樸忠
心無適莫卒以功名終

黑齒常之百濟西部人也長七尺餘驍勇有謀畧高宗朝為
左領軍洋州刺史儀鳳三年從李敬元劉審禮擊吐蕃審
禮敗敬元欲引還阻泥溝軍不得出賊屯高壓官軍陣常

之夜率敢死士五百人掩其營殺掠數百人擢武衛將軍
檢校羽林軍進河源軍副使調露中吐蕃使贊婆等入寇
屯良非川李敬元既敗常之引精騎三千夜襲其軍斬首
二千級贊婆等單騎去即拜河源道經略大使常之因建
言河源當賊衝宜增兵鎮守而運饟洎廣乃斥地置烽七
十所所開田五千頃歲收粟斛百餘萬由是食衍士精戍
邏有備永隆二年贊婆營青海常之馳掩其屯破之悉燒
糧廩獲牛馬甲首不訾凡蒞軍七年吐蕃憚畏不敢盜邊
封燕國公為周興等誣繫詔獄投繯死常之御下有恩前
後賞賜悉分麾下無遺及死人皆寃之

杜希望萬羊人開元間拜鄯州都督拔吐蕃新城更號威成
軍碎赤嶺界碑又發鄯州兵奪吐蕃河橋築鹽泉城號鎮
西軍威震吐蕃時軍屢興府庫虛寡希望居數歲勇粟金
帛豐裕

宋王韶字子純江州德安人也既第進士蒞官復試制科不中
客遊陝西採訪邊事神宗熙寧元年詣闕上平戎策帝異
其言召問方略以韶管秦鳳經畧司機宜文字蕃部俞龍
珂在青唐最大韶因按邊引數騎直抵其帳論以成敗遂
留宿明日渭源羌及夏人皆遣其豪隨以東久之龍珂率
屬十二萬口內附賜名色順焉帝志復河湟以韶知通遠

軍事時王安石主其事為罷李師中李若愚竇舜卿異議者
三人而專任韶五年七月引兵破蒙羅角林耳水巴等族會瞻
征為援餘黨復集韶又破之復擊走瞻征降其部落二萬
六年取河州連破瞻征與諸羌軍行五十四日涉千八百里
得州五斬獲不訾進左諫議大夫端明殿大學士七年入朝
又加資政殿學士還至興平聞景思立敗於瞻征韶馳至撤
城守選兵直扣定羌城破結河族斷夏國通路分命偏將入
南山瞻征知援絕拔柵去初思立之覆師也羌勢復熾帝為之
旰食及是帝大喜韶以兵循西山繞出踏白後焚八千帳瞻征
窮蹙乃降俘以獻拜韶觀文殿學士禮部侍郎元豐四年

病疽卒年五十二謚襄敏

王厚字叟道韶子也少從父兵間暢習羌事官累通直郎哲宗
元祐中棄河湟厚上疏陳不可上不聽紹聖中會羌酋瞎征爭
國王贍與厚同獻議覆故地元符元年六月師出塞七月下
邈川降瞎征九月次青唐隴拶出迎遂定湟郡詔賜龍拶姓
名趙懷德進厚東上閣門副使知湟州既而他種叛合兵來攻
厚不能支朝廷度二州不可守乃以昇懷德而貶厚賀州別駕
徽宗崇寧初蔡京開邊還厚前職於是羌人多羅巴奉溪賒
羅撒謀復國懷德畏徇奔河南種落更挾之以令諸部朝廷
患衆羌扇結命厚安撫洮西多羅巴集衆以拒厚聲言駐

兵而陰戒行羌備益弛乃與偏將高永年異道出進擊破之
多羅巴遁遂拔湟州進厚威州圍練使熙河經畧按撫三年
四月厚帥大軍次於湟命永年將左軍循宗水而北北別將張誠
將右軍循宗谷而南厚將中軍趨綏遠期會宗哥川羌置陳臨
宗水倚北山望中軍中軍爭赴之厚麾游騎登山攻其背親帥
強迎射羌退走右軍濟水擊之羌遂大敗斬首四千三百餘級俘
三千餘人羅撒以一騎馳遁其母龜茲公主與諸酋開鄯州降
厚將軍趨廓州降其衆入據之起拜厚武勝軍節度觀察留
後明年以永年之敗坐降已而以諭降懷德還舊官入朝提舉醴
泉觀卒謚莊敏

趙隆字子漸秦州成紀人以勇敢應募從王韶有功崇甯中鈐

轄熙河兵將前軍出邈川興復鄯廓童貫與論燕雲事

隆極言其不可貫知不可奪白以知西寧州充隴右都護羌蒙

信服十二種戶三萬六千願比內地尋卒命詞臣製碑帝篆

額曰旌忠劉忠武字子文秦州成紀人熙寧中為涇原將

夏人犯天聖砦仲武以孤軍却之遷熙河都監復隍州進

知州事吐蕃趙懷德象數萬叛命仲武相持數日潛遣二

將挑之出伏兵大敗之斬首二千級復西寧州未幾懷德降

累遷榮州防禦使副高永年西征仲武欲持重固壘永年

易賊賊輕戰遂大敗仲武引咎自劾生流嶺南命未下與夏

人戰傷足朝廷聞之貸其罰以為西寧都護童貫招誘羌
三子賊征撲哥收積石軍邀仲武討事仲武曰王師入羌必降
或退伏巢穴可乘其便但河橋功力大非倉卒可成緩急要預
辦耳若稟命待報慮失事機貫許以便宜撲哥歸焉降而
索一子為質仲武即遣子錫往河橋亦成仲武率師渡河挈
與歸貫掩其功仲武亦不自言徽宗遣使持璫至邊賜獲王
者訪得仲武召對帝勞之曰高永年以不用卿言失律撲哥之降
河南綏定卿力也問幾子曰九人悉命以官仲武知西寧州歷拜
瀘州軍節度使卒年七十三謚威肅子錡

何灌字仲源開封祥符人有力善射每發輒中或著崖石皆沒鏃

拜河東將與夏人遇鐵騎來追灌射皆徹甲至洞曾出背疊貫
後騎敵懼而引卻徙熙河都監後知岷州引邈川水溉湟閒田
千頃湟人號廣利渠徙河州復守岷提舉熙河蘭湟弓箭手
入言漢金城湟中穀斛八錢今西寧湟廓即其地也漢唐故渠
尚可考若開渠引水使田不病旱則人樂應募而射士之額足矣
徙之南半歲得善田二萬六千頃募士七千四百人為他路最加廓
州防禦使金人圍汴時灌控守西隅隅背城拒戰被創歿於陳
年六十二

明鄧愈鳳陽虹縣人洪武三年為征虜左副將軍招諭朶甘思
烏思藏等邽來歸者甚衆九年吐蕃所邽州城邀沮烏思

沐英之勇控頭

字

藏使者掠其輜重復以愈為征西將軍往討之愈分軍為三覆其巢穴窮追至崑崙山斬首無算獲馬畜一十萬餘刻石記名遂置歸德所留馬軍五百衛守此土屯軍五百以供芻糧上嘉其功召還後封衛國公卒贈寧河王謚武順沐英字文英鳳陽定遠縣人洪武三年以大都督副鄭愈總大兵征蕃部西渡黃河界川藏擢兵崑崙轉戰千里俘虜萬計論功封西平侯尋拜征西將軍征叛蕃降元萬戶乞失加三副使平朵甘納鄰七站地數千里後封黔國公卒贈黔寧王謚昭靖

耿炳文濠人洪武中從大將軍徐達走李思齊張思道以兵下河西開拓寧境築城濬池設衛所置馬驛七遞運所五立漢武

場建雜造神器局今孟忠毅相至縣署一帶皆其舊府也以
功封長興侯

史昭廬州合肥縣人永樂三年哈密司徒火者廝等梗西域貢道
昭率兵征討擒逆者以歸八年北征克鷹揚將軍十二年由鐵門
闕出勦夷有功陞都督僉事鎮守西寧宣德三年請建孔子廟
開學校曲先蕃寇邀劫貢使昭充總兵官擣巢穴生擒渠魁
俘獲無算尋改鎮守寧夏卒

劉釗河州人正統中為都督奉命整飭貴德自積石關撫有番人
七十二族開設諸屯墾闢田土立茶馬司易馬一千七百匹諸番感
悅而官廩充實沿途廣設番驛與河州消息相通規模粗備

蓋貴德一所自前明雖鄧愈開於先而經營守禦皆釗之力也
柯忠江南安慶府懷寧縣人進士洪治初西寧新設兵備道忠以監
察御史陞陝西按察司副使來任勵勤政開墾荒原重修學校
勸課農務增兵閱武建礮伯右千戶所併遞運所惠民藥局養
濟院諸家薰心鍊掌不以為勞後來者不能無權輿之思矣

劉天和字養和湖廣麻城人正德戊辰進士歷官右僉都御史督理

河西屯政乃條所當革者五曰括克曰占役曰湖蕩曰派撥曰

侵漁所當興者五曰開墾曰墩堡曰牛種曰治水曰屯兵疏上以次

報可嘉靖十五年以兵部左侍郎兼都察院右副都御史總

督陝西三邊軍務至則申軍令豐儲侍廣埤墾選鋒銳飭甲

械士氣大振徵西寧兵使備副及宦創築巴暖三川堡塞山城一十七

所延袤二百餘里遷兵部尚書太子太保予告卒謚莊襄

胡經山東歷城縣人進士正德元年以陝西按察司副使兵備西寧

二年劉瑾專政亂常盡革天下兵備憲臣惟固原獨留經乃自

西寧革去復調固原尋亦為瑾廢黜五年誅瑾廢者盡起經復

復補西寧除害剔姦補偏救弊舊貫新條燦然畢舉詰戎禦

敵屢有奇功

易瓚直隸肅寧縣人嘉靖七年以副使兵備西寧興水利飭亭障

課士勸農振厲戎行拊循百姓人畏愛之在任四年遷秩去闔

境人遮道涕泣車為之积瓚性且剛直不阿歷官府尹以忤

中貴被逮尋得釋善類皆歡然相賀

及宜直隸交河縣人嘉靖十五年任西寧兵備副使十六年總督
劉天和檄創巴暖三川等處堡寨邊城官周行相度隨其險夷
宜創宜葺為圉為議上陳報如指宜不惜其身在菴杵間閱六
月而告竣凡創築者十七所修葺者一十八所可居可守至今
賴之敦大明作不避勞怨其諸惠政甚多宜與贊皆河間人十
年之中先後相望人稱為河間兩賢云

王昂山東濟南人方嚴內敏嘉靖十九年來任歲方大旱昂涓條
肅將草蔬醢粥素服芒屨徹蓋行香暴日中百步十拜汗髮
浹踝民皆感泣雨遂大注歲竟不侵諸如繕城隍興灌溉躬親

督視不避勞勩民至今能言之

范瑟字孔和山東歷城縣人由進士選館歷編修有文名而兼
有幹畧膽決嘉靖三十年來任值屬番橫逆數盜邊諸將莫
無策瑟晝夜焦勞不憚征繕儲粟詰戎增埤明候且以勁辭震疊
諸將士氣寢振已而親提銳傑潛擣碾伯水溝強番巢穴斬馘
不訾夷遁出邊寨故窟一空又下令懸格斬虜一級賞銀十兩即
以所獲給之境內肅清瑟蓋文武兼資矣

王本固直隸順德人進士嘉靖四十一年以陝西按察司副使兵備
西寧清康寡欲一毫不苟甫下車即革去旗甲供應湟人德
之有青天之名番族有不軌之謀即行勦戮無不畏服尋陞

陝西按察使至吏部尚書

侯東萊字儒宗山東掖縣人嘉靖庚戌進士隆慶二年任兵備副使修邊隘恤士卒隆慶三年思俄思哥番部狡獪恃力出掠行旅東萊督叅將陳愷掩擊獲其首惡使十二族落各以其職來服又嘗招撫紅帽兒之蕃欲以降致海夷當時人皆難之東萊遷而事亦寢後竟如所慮性平易遇士以禮接下以思扶善良表節行撫孤寒在郡甫朞月政通人和去之日民為立祠郡人昌平監司張問仁為之記

董汝漢山西萬泉縣人進士萬歷七年以陝西按察司副使兵備西寧清介有風猷開墾荒田數百頃招撫流移百千餘家又於各

堡創社學擇其秀出者訓之夷風為之丕變順義王俺答將東歸尚稽固未發汝漢執言撫之感服而去去任之日湟人遮留接仕者為石櫛整飭邊防條議多可取

鄭洛字禹秀安肅人兵部尚書萬歷十八年經畧陝西延寧甘肅邊務初俺答迎佛建寺於青海奏賜名仰華留別部把爾戶守之捨力克赴仰華把爾戶部卒闌入西寧副總兵李奎斫之遂譟射奎死進圍蘆泚州副總兵李聯芳敗歿入臨泚詔洛經畧七鎮以兵部員外梁雲龍僉事萬世德隨軍贊畫洛至入西寧控扼青海捨力克還所掠人口輸罪請歸洛陳收復番族有六利會捨力克北歸乞復貢市於是招回生熟番人一百六十五族

部落七萬四千七百一十餘口給賞按捕事寡易從自是夷既
仇番番亦叛夷夷既難侵番亦易制又奏設鎮海游擊保寧
疆場首議禁借路以伐奸謀焚夷寺以絕禍本乃養士林馬集
糧治器又多方搖撼散其黨後李汶田樂牧兩川之功皆本洛
謀加少保仍召理戎政

田樂任邠人萬歷初任涼永兵備道鄭洛既還朝海酋永邵卜劫
掠番人與其黨潛居海上計圖復逞乃命樂巡撫甘肅樂選
將治戎會諸將議方畧樂曰青犯都近窺甘泉永邵卜逼穴惶
中首尾牽制使我疲於奔命青酋恃強無備今出不意勢可必
克青既克得專力青海而永可擒也遂潛師擣青覆其衆青單

騎走於是為三伏待永密與西寧道劉敏寬投計叅將達雲分布
既定永謂九月九日漢兒重陽節必不設備乃率眾佯呼求款
伏其千餘騎於後欲俟既合而發達雲率精甲短兵直接鎮海游
擊合諸番截其後番刺卜爾擊其左隆卜申中擊其右官軍前
後斬首七百有奇番兵殺傷者不在其數餘落皆徙海西羊牛家
帳多為諸番所獲諸番被劫者相率而歸此捷乃萬歷二十三
年九月九日也樂曰永雖捨火落亦獨完真相納刺等全部猶盛
唇齒之慮非諸將所能辦也自率中堅所過簡其精銳晨夜赴西
寧而各酋果至納刺卜囊在前真相火酋後繼連絡數十里先攻
刺卜爾番寨樂曰賊以忿來本欲致死於我而先圖孤番誘我也

乃間語刺卜曰若能堅守十日我必破賊否則勉圖後績刺卜急
遂佯合於賊將諸詳馬樂曰刺卜非心背我者也已約彼給賊賊若
氣驕必直前薄我我攻其外刺卜應於內破之必矣乃合諸軍
令達雲統之營於康纏溝賊又圍堡誘我曰今日必無漢免矣
揮象齊攻矢下如雨達雲鼓象以兵器更代應之自辰至申夷
死傷環壘忿甚以驍悍犯西寧兵終不能入樂度其將走乃令
間道設伏命同知龍膺陣於後以迫之又密諭刺卜爾收精壯斬
夷永雖逸去而諸落零散真相火節之驍壯兩捷殲之始盡蓋
明代二百年海疆僅見之奇捷也後以功封松山伯

萬世德山西偏關人由進士萬歷十四年任兵備僉事時西陲多

事先戎交結為邊氓害是年松夷入掠燕麥川番部再犯北
川世德皆禦走之詔遣兵部尚書鄭洛經畧西海以世德暨主
事梁雲龍贊畫洛納其言收復番族以孤夷勢遂上議焚
仰華寺畧曰青海多事始自亦不剌窳居破掠四衛然彼猶
敵國也自俺答奉貢比我外藩遂請命而來無復忌憚乃陰為
為子孫圖不拔之基遂建寺海上名為迎佛修善其實樹幟收
番故欲驅海夷而不先毀寺是醫者之急標症而忘病根也職遂
與總兵張臣統衆出塞四日夜至青海淫祠既毀振旅而還洛
上其事邊人稱快焉

劉敏寬山西安邑人由進士萬歷二十三年任兵備副使才猷揮霍

慨然以安內攘外為己任是年九月戊寅海夷瓦剌他卜囊寇
南川敏寬督叅將達雲禦於控爾朶斫斬首捕夷六百八十
級置戰車修兵器設鐵廠於北山開鐵礦於大山硤橋西寧
城西碾伯城南老鴉城東行鄉約保甲之法立兵備道題名
之碑內政斬然與都御史田樂計委達雲統諸營禦敵於康
纏滿大敗之與雲置白旗數百竿上書譯語分插邊外數百里
各水頭招回番族甚眾各給旗符候調勦夷外寇屏息以功加
按察使嗣遷延綏巡撫

蕭文奎陝西延安人隆慶六年以叅將分守西寧負材畧敢任
事馭下有恩威甫蒞任即與副使董汝漢繕其城葺甃腹土

無瑕不堅其諸塞垣次第增創番部却爾加象不滿百而暴悍特甚居民苦之文奎領奇兵擣巢斬其大豪十餘級餘遁海上禮佛頂經自誓願為良民後加副總兵至都督同知

達雲涼州人勇悍饒智畧萬歷中任碾伯游擊修其城遷西寧叅將與兵備副使劉敏寬契合以滅夷為志永邵卜者順義王俺答從子也以貢市在宣府守臣遇已厚不可逞乃隨俺答西迎活佛留據青海與瓦剌他卜囊歲為西寧患邊將不能禦益有輕中國心二十三年九月七日丙子偵告夷趨控爾朶硤八日丁丑敏寬與雲傳撒布伏九日夷擁勁騎毀障塞從南川已入獺半伏兵突起雲提精卒二千與戰寇首尾不相顧腹背夾擊手大

敗之雲手誅其魁羌僧識其為把都爾恰前後斬首六百八十餘級獲駝馬戎器無算為西陲戰功第一所誅把都爾恰即前殺李魁者其地卽魁陣亡處時又皆九月也邊人以為快中丞田樂度寇必復至晨夕赴郡厚集以待寇果連諸部至犯康纏滿矢石如雨雲與游擊張應學等自晨至申戰數十合寇死傷無算雖高寧軍甚四集而攻雲身先士卒兵氣百倍騰躍迎敵不動如山夷酋有坐擁毒霧者雲親提大砲擊傷之寇始遁追奔數十里而還捷聞帝大喜遣官告郊廟宣捷大學士趙志舉以下悉進官雲擢都督同知廢本衛世襲指揮使初南川奏捷雲已進副總兵至是命以總兵官鎮守延綏未幾鎮甘肅屢有邊功增勲廢

名震西陲為一時邊將之冠卒贈太子太保

郭志學山西澤州人由貢士隆慶二年以華昌府通叛監收西寧倉儲性剛正人不敢干以私且有才諳微歛不擾出納惟明其所司軍餉令軍人自於倉前照數兌發無毫髮牟削自甘澹泊人以為難龍膺湖廣武陵人由進士萬歷年任監收通判嗣遷同知殫心吏治興社學修衛志與屯兵通判高第議築諸邊三十二年南川西川捷膺飛軌軍儲協謀克敵兵部尚書石星疏曰龍膺本雍容冠玉之才負叱咤摧山之氣臨陣不辭鋒鏑揮戈足掃穹廬人以為實錄三十八年遷西寧監司布政敷猷益駕輕就熟矣

高第不詳所何人及所以進萬歷年任屯兵通判當南川西川之捷

第與龍膺協心齊力軌運芻糧備精戎器雖武畧遜於龍膺而誠懇謙和頗資其益嗣夷退諸番漸復兵備副使劉敏寬請修城樓屯堡邊探厥工甚巨委第巡督悉心經營郡民賴之

長畧號結峯河州人萬歷八年以世襲指揮同知任貴德所分守游擊時套夷丙兔侵掠邊事孔亟畧撫番恤衆與士卒同甘苦得保孤城十七年大落赤大肆猖狂盤踞煖泉畧創築民堡修固三寨設險濬池振濟貧乏強夷咫尺而隻鏃無遺人服其膽畧內外倚以為重

汪淮甘州都指揮正德七年西寧守備猛鷲有膽決能於馬上運火鎗夷犯北川淮追至旱坪山夷望見淮軍皆衣絳俱有神狀淮奮擊

之中其酋豪夷象遂潰斬馘無算投崖墜壑者不可勝計

蔣承祿萬歷初任貴德所守禦千戶廉潔通敏賞罰無私推其至誠漢番不忍欺誣時套夷未青海暗結諸番承祿察其叛逆者用計誅之羌人震慄

楊果山西太原人由吏員隆慶三年任西寧衛經歷敦龐質直不事外飾譽來不喜詢至不怒而復明察善斷庭無留事獄無冤尺閩境畏而愛之且負清名盡革陋例有錚錚佼佼之風惜乎職不稱其材力不遂其心當時為之上官者不能辭竊位之譏矣

校對訖六月十四日

西寧府新志卷之二十六

官師志

西寧府

名宦

皇清孟喬芳字心亭奉天漢軍鑲紅旗人順治二年總督陝西軍務節制
文武三邊四鎮八府官民俱就招撫帖然安堵勦除逆賊賀珍胡向宸
孫守法馬德等餘寇悉平五年逆回米刺印丁國棟等攻臨城池誘
迫軍民鼓行而東聲焰孔熾欲招致湟中回民假竊名字以快虛
勢回民治掌教等不應則擁衆大通河岸冀以威脅喬芳選
將調兵密授方畧兵備副使馮如京等扼險設伏張奇兵邀擊

之賊奔北湟中未受其害又命副將補艾來寧整理戎伍郡賴以安
親馳赴甘肅擒賊斬首恢復河西疏除民累善政殊多詳通志
暨祠堂碑記以老病乞休加少保兼太子太保馳驛回都卒謚中毅崇
祀京師賢良祠

柏永馥字雄蘭奉天漢軍正黃旗人由世襲順治三年補授臨軍總
兵官十六年六月移駐西寧為設鎮之始建威布思簡士馬慎選舉
重修衙署整飭斥候展演武廳繕軍裝庫恤兵愛民陟陝西提
督去之日兵民為立碑頌德焉

蔣三捷漢軍奉天人由恩貢順治二年任西寧兵備副使西寧當流
寇番戎肆掠之後甫經平定民困未蘇三捷創率屬吏修守備

招流亡省差徭薄稅歛百廢津興陟平涼苑馬寺卿兵民暨
碑以誌不忘

馮如京字修隱山西代州人由恩貢順治四年任西寧兵備副使四年
逆回米刺印丁國棟等欲招致湟中回民不應擁衆大通河岸冀以
威脅如京已先聞率將校馳赴扼其險阻以奇兵橫擊擊敗之碑以
膺凶刃弗加於湟如京之力也修學宮治輿梁凡所經畫悉有
益於民民龍石以紀其功焉

孫啟賢河南安陽縣人由進士順治七年任西寧兵備叅議知西寧地
瘠民貧捐冗費禁苛取延見諸生考德問業撫恤士卒察其
饑寒以病致仕

藥元魁漢軍奉天人由貢生康熙九年任西寧副使廉平鄉正勤以治
事洞卷審戎情性御以恩威咸輸寫心腹牛羊滿野邊垂晏然民
設木主以祀

王進寶字顯吾甘肅靖遠人由將材康熙十三年任西寧總兵官訓
練士卒咸成精銳而又能察其饑飽體其溫寒會逆藩吳三桂反
王輔臣亦叛蘭州已陷即統寧兵直抵黃河無船筏夜用皮囊冒
險暗度大敗賊兵復蘭州乘夜雪破臨洮功晉平涼提督又以功
晉奮威將軍後進取四川鎮守巴蜀卒加太子太保謚忠勇崇祀
京師賢良祠詳通志人物傳

劉殿衡字玉伯漢軍鑲白旗人由蔭生康熙二十九年任西寧參

政西寧設鎮之後兵馬增多糧草俱當年供支故民有預徵之苦卒
多庚癸之年殿衡力請糧草俱於秋後輸納留為來年支用遂為章程
兵民感頌三十年有包姓道人謀逆合鎮騷然嗣擒獲首從而株連者無
算殿衡親鞠悉出脅從者全活多人三十二年甘肅用兵檄河西各衛
輓運糗糧湟中不產米粟兼道路崎嶇殿衡陳其不便獨寧屬免
運在任十年惠政著聞超遷江蘇藩司晉胡廣巡撫卒後吏民思
為立祠堂

殷泰滿洲鑲黃旗人由西安副都統康熙四十四年任西寧總兵官抵任
即矢志清白一塵不染澹泊自甘絕餽獻核軍實選拔必當其材糾劾
必符其罪隨方樽節事無不辦遷甘肅提督再晉陝西總督軍民

立祠祀之

馬際伯字逸聞甘肅寧夏人由四川建昌總兵官康熙四十六年調補西寧鎮性寬和有方畧恤兵惠商羌人歛戢凡士卒子弟則延師以課之士卒孤寡則割俸以育之文武和衷不分畛域軍民相安陝四川提督卒象肖像以祀詳通志人物傳

楊宗仁字天爵奉天漢軍正白旗人由湖廣藍山知縣卓異擢知階州州近生羌出沒晝劫行旅宗仁抵任連堡寨謹斥堠嚴緝捕諸羌斂跡商賈安行遷同知臨洮府事監收蘭州鎮遠橋商稅時直歲歉請發倉廩以賑饑民減稅額恤商賈招流亡實戶口循吏之譽著於遠近上官有疑獄輒委治發奸摘伏民頌神明雍

梁多盜老瓜陰賊尤為民害因讞他獄發案百餘皆為窮治
又盧慮有司失察被譴取百餘事稟為十案志置諸法盜
風頓息而有司亦全邊知臨洮府率屬安民政績尤著尋擢西寧
道寧古遼中地西陲要衝振頹剔弊賢聲著聞陞浙江按察使
歷仕至湖廣總督晉太子少傅卒加少保謚肅端崇祀京師賢良祠
按清端公余小子應琚之大父也余至遼中距先清端蒞任時
僅二十年舊時奴僕猶有存者仰瞻祖武故余守官十四年兢
兢如一日今余小子秉筆作志惟取甘肅通志所載先清端事
實泚手敘入不敢增損一字餘詳國史名臣

傳暨入名宦疏稿

趙世錫奉天漢軍鑲紅旗人由廕生康熙五十四年任西寧副使嗣值
賊夷準噶爾賊旺阿拉布坦跳梁遣車零敦多布入藏拆毀寺
廟屠戮生靈侵據西藏

聖祖仁皇帝命撫遠大將軍王平逆將軍延信統領滿漢官兵護送

達賴喇嘛自西寧塔兒寺起營進藏征討軍馬雲集供億浩繁

世錫殫心調劑芻^餼不^缺而給直寬裕民力無虧雍正元年青海

蒙古親王羅卜藏丹津等謀逆侵犯各川沿邊刺麻番人亦勾連窺

伺世錫躬率民兵內運軍糈外禦強寇日以繼夜時主將以青

海叛戎有回民在內欲將在城親族捕勦世錫以身家保護全活

者畧他如捐發社糧修置田器散貧民之衣給餓莩之食甚有

思惠在任十二年卒於官後軍需事竣報銷核減至百十萬金俱蒙

恩豁免至今軍民思之不置

張世耀直隸人由武進士順治二年任西寧副總兵修闕隘築砲臺勵精振刷將士強勇四年逆回丁國棟等回遼中回民招之不來遂擁象大通河口以威迫之世耀與兵備馮如京暨治叅戎據險設伏大敗之是時河西城鄉無不受逆回荼毒者惟寧屬獨全百姓感頌

補艾陝西榆林人順治六年任西寧副總兵勇敢饒智畧先是河西逆回丁國棟等招遼中回民未應為兵備馮如京副總兵張世耀敗走當事者於凡回民之所聚究不能無疑屬艾至寧廉訪

得實還報而旁猶有為讒說以冀動搖者艾正色斥之湟中民賴以安全及協鎮是郡坦直簡易得士卒心番土畏懷艾於順治二年隸孟總督喬芳麾下時賊賀珍攻圍會城艾以親兵三十騎啟西門直前突戰賊披靡走古昔亦有以少擊衆者然以三十騎退萬人未之前聞也

李佺字子雙直隸正定籍湖廣人康熙十一年任西寧鎮標右營游擊愛恤士卒凡於戎政有不便者輒言於上不少隱與同官和而不同逆藩吳三桂變西寧總兵官王進寶恢復臨洮提督張勇與進寶會議以軍務孔亟臨洮適當其衝佺有文武才奏授臨洮知府招集難民流移復業餘詳通志臨洮名宦傳

蘇心逸福建莆田人康熙四十年任西寧監收通判廉明慈惠政
令皆緣人情本土俗民皆以為便乃更求閭閻疾苦與祛洗之恤商
免額外之征出茶絕纖毫之費常曰民猶魚也以清水養之毋投以
油肉使拂其性僕僕不寧也性雖寬約束胥役不少倣借然亦
不酷悍青海蒙古王公出入境內咸接以禮故內外欣然無事
蒞任十二年卒於官百姓刊碑感其德

傅以箕號紫雲浙江會稽縣人康熙二十九年任西寧衛掌印
守備釐陋弊均徭役征收芻餼體察民隱不濫升勺尺寸聽
訟明決門外無立候者先是西寧人有冤不敢訟懼胥役勾攝
之苦費不貲以箕知其情有所呼集但以片紙榜其門曰衛進

某人期某日某時到追者即持所榜趨衛毋後時以箕難歎曰人言
寧民不易追集今何如耶凡民拒官不至皆胥役之過長吏之罪也去
之日百姓紅其事於石以為來者之鑒

梁景岱陝西三原縣人康熙二十二年任西寧衛儒學教授率諸生修
葺西寧碾伯澤宮振興學校甘澹泊立崖岸其為人礪礪如也存心既
正而文藝亦優察諸生有可教者必殫盡心力教後者則痛撻之其
施教侃侃如也是時士尚強武重亦多畏憚不敢肆矣

封爵

漢臨羌侯孫都 武帝元狩元年封

西平侯于定國 東海郟人宣帝時以丞相封子永嗣永卒于恬

嗣更始元年純

西平王李通 南陽人王莽時為五威將軍從事新市兵起通勸
光武起兵更始立以通為輔漢侯至長安封西平王

晉西平郡公張軌 本安定人永興初為護羌校尉涼州刺史以破鮮

卑功封安樂鄉侯進封西平郡公立十三年薨謚武公子實嗣

立進位大都督涼州牧侍中司空承制行事六年為閻沙等所

弒謚昭公弟茂嗣五年薨謚成公兄子駿嗣時群僚勸駿稱涼

王駿不許然自後境內皆稱之為王立二十二年薨謚文公子重華

嗣始自稱持節大都督太尉護羌校尉涼州牧河西公假涼王

立十一年薨謚昭公子曜靈嗣為伯父長寧侯祚所弒謚哀

公祚纂位改元為和平元年三年為張瓘等所殺曜靈庶弟元觀嗣廢和平之號復稱晉正朔立九年薨為天錫所弑諡冲公天錫立十三年秦王堅遣將苻萇伐之天錫兵敗降秦自執起涼州至天錫凡九世七十六年

北魏西平公安頡太武神鹿元年以擒赫連昌功封西平公源賀

西平樂都人太延五年以功進侯為公興安二年封為王

西平公乙瓌大平真君六年以南征有功封後晉爵為王

西平公張徽和平元年封改封清水公宋繇子嚴為西平公

北齊西平伯平鑒燕郡薊人以功封

唐西平侯哥舒翰其先本突厥人天寶中以功封

西平侯李晟 洮州臨潭人為鳳翔隴右節度使德宗時以功封
後周西平王李彝興 世宗顯德元年封

元西寧王速來蠻 文宗天歷二年封

西寧王忽答里迷失 天歷三年封

西寧王忻都 至順三年追封

明西平侯沐英定遠人洪武十年以功封後徙鎮雲南

西平侯宋晟 懷遠人永樂三年以功封

松門楊氏曰湟中在晉西為西羌地自漢始通內服霍驃騎傳護羌

段太尉馮氏諸將軍皆以犂穴窟擣梅雄武蓋以賊羌齟戎遞帖

遞器折衝禦侮利用威非武健何以愉快勝任乎然趙壯侯鄧

敬侯誅零恕开保我禦羌恩威並用豈特擅兩漢一時之勳可率
為九邊千古之法厥功偉矣晉隋文武或以戰功或以循吏如馬
護軍慕容氏兩刺史皆有足述者唐李衛公率五道總管行
空荒之地二千里次星宿海誅寇而還庶幾有漢家勲而婁公
長者與吐蕃八戰八克黑齒大使杜都督既威震吐蕃而能開
田斥地芻粟豐裕成為邊庭將有宋積弱不振獨三用師於
西平差強人意議者以荆公誤國章蔡朋姦并以二王之功
反歸之罪豈足以服其心功罪自在而湟中之功何可沒也趙
子漸劉子文何仲源咸有功於湟俱未竟其用惜哉明初鄧
沐耿史諸公招羌拓地開設學校快目爽心萬歷中鄭尚書

田中丞劉兵備達叅戎兩川之捷焚寺之舉可為後勁其餘
文武亦一時之選哉

國家文德武功因時昭布且平定青海收撫番族故四境晏然茲
歌時起其奉

簡而來豐功駿烈流風善政凡傳於名宦者益駸駸乎與古為徒
矣至封爵或以酬本勳或用獎他績亦附列焉語曰後之視今
亦猶今之視昔又曰不習為吏視已成事其尚三復於斯言

校對記 六月十四日

西甯府續志 下冊

藝文志

甘肅青海護軍使署總務處長周君子揚墓表 馬麟
周氏為天水望族其能以剛健樹立者晚近得二人焉一
為周本齋先生一即周君子揚本齋以俄事殉阿爾泰子
揚以謀妄甘青危局被害中途皆以義烈頸本齋即歸葬
天水矣青人士僉以君為青海死也請公葬於青海以永
桐鄉起冢之思民國二十年五月二十七日遂營葬於西
甯之西山灣君之歿且三年矣先兄閣臣以千金飾公葬
之儀行漫伐石將表其墓而白文於麟誼不可辭君諱希

武子揚其字少艱苦勵學每寒夜貧不能篝燈炷香讀書
往往至曉年十五為諸生學使棄蒯裳深器之嗣後任先
生文卿游益博涉羣書嘗力治閩洛之學繼讀顧黃二氏
書傾心嚮往於棄舉業期致用喜談當時變法改革事舊
宿咋舌咸目為大器時同里張先生育生知陝西渭南縣
用經術飭吏治君橐筆徒行至渭南從問學既而育生亦
去官隸任自治凡民國初年天水所行輕繫繫卹民諸端
多與君所籌畫其教學鄉里則諄諄示以大學端倪經世
致用之方後起靡然從風三年長涼州中學校數從武威
李叔堅先生問樸益學探討乾嘉諸儒術書學益宏肆時

隴蜀互爭屬青海玉樹隆愛土司久不決甘督張廣建請
於政府使本齋先生以大員勘界以名嘗上書萬言痛陳
開發青海事檄使從往於是載書涉崑崙探河源周行玉
樹土司二十五族審查輿地凡山水原委形勢要隘風土
方俗記載秩然古今閱於青海之作殆有比也而玉樹屬
甘肅事始定先兄鎮守寧海耳君文名久聘任佐幕由秘
書遷總務處長匡謀翼武聲騰一時先漫平呂光剽拉卜
塔征果洛方略籌策惟周推詳而十年果洛之役君正兼
長西甯倥偬兵馬轉運繁殷乃創辦民驛平均徭役軍民
以為便於救荒平糶散振興學諸政舉辦弗懈然好學自

勵不以仕宦而遂移居恒搜緝典籍網羅舊聞將自纂青
海志扎邊詩筆彌不嘔心獨造自期樹之於西陸山水民
族邊事均有溥深研求而規仿亭林固其素志也固名堂
曰儀顧與人論學上下古今抗爽無阿引據典冊輒琅琅
成誦嘗慨早歲屈滯鄉國足跡未出潼關一步以為大憾
十四年乃出陝豫南遊江浙歷覽名勝登匡廬溯江武漢
紀行諸作古懋生澀逼近義甯至北都以詩文編文一時
學者新會梁任先生任公欽其博雅為旁求青史海料冀成
其書居京師二年購書萬餘卷鑽研自熹軍政要領累聘
不就既歸西甯苦學如故書生冊訂舊著兼治易詩兩經

於清經解中鈞沉若干條細書眉端目力為耗旁涉內典
期年中治書旨趣又為一變刻苦愈甚懷抱有在也十七
年五月導河亂作青寧毗鄰洶洶不靖先兄持鎮靜宣明
大義部曲巖峻無敢懷異者而蘭甯道梗謠詆繁興使君
與朱緒趙從懿扣蘭州言事祖道者皆泣望和平或力阻
之曰途多盜不可行也君慨然曰吾以寒微書生不見用
於世獨馬公遇我厚此不可負也桑梓糜爛又甯忍坐視
哉麟輕騎送之行七月二十五日至老鴉城君等舍車而
騎疾馳峽中麟飯頃浚至三君竟遇盜趙魁與緒中彈亡
君時年僅四十四嗚呼天之生才不易有才亦難盡其用

綜君平生堅苦卓絕用能以剛健自樹乃責志以歿未克
致用於什一今海藏多故邊疆事殷緬想若開發青海之
志實蓄於十餘年前迫切陳詞當時以為書生之談而今
日歷歷皆中其言換今追昔傷感曷已然君亦不朽矣君
著有儀頌堂詩文存漢書地理志今釋讀通鑑札記邊事
紆籌甘肅民族史甘肅水道畬說村治大義玉樹土司調
查記湟中隨筆記室偶存榆枋遊草未成者有甘肅通志
糾葛謬青海志經解等君祖勵政字勉齋清貢生父立綱
字毅三子四明武承武奮武君其長君子三宜造卯寧順
東讀書能嗣君志君之葬也蔡君兩民為君銘其墓以其

學行大端表於^其身俾萬禩知湟中有時行碩彥天水周君
子揚之墓在

乾隆二十四年

名宦

總督楊應琚又請
於凱旋錄旗兵截

楊應琚字佩之駐防順天漢軍正白旗人雍正十一年任西

留四十增屯
奉稱屯由特納格

甯道十二年調署臨鞏布政司先是西甯府學暨西碾二學

三處

文武生童皆就學臨湫或武威應考既苦跋涉往返又需資

乾隆二十六年

奔故寒士赴試者甚少公與西甯道副司高夢龍知府楊汝

梗知縣沈子績張登高捐資創建貢院申請學政蒞甯考試

上以千人屯田勢
必不敷乃命兵

自此應試生童歲有增益乾隆元年再任西甯道二年設大

丁有願和手眷居
住及內地民人思

往立業者著楊通衛城內暨向陽堡義學奉部覆准大通衛每科取文武生

應琚分給田畝
籽種妥協安插

員三名附府學並重修小硤口河厲橋三年題准設黑古城

應璠言巴里坤
廣衍映饒除
兵丁屯種外
應請招商民認
墾按限陞科

附記

札恩觀扎什巴河拉庫托康家寨十戶莊亦雜石巴燕戎甘
都堂九處城堡派官兵分守番民畏怯循循誅化行旅稱便
四年西碾大饑請撥狄河倉糧若干石運甯賑糶在郡城建
糧麩市招商平價不假官吏之手以杜欺朦在府學學宮建
博文約禮二齋選秀才肄業其中捐俸供其脩脯設貴德所
滴水崖渡口官船以利徒涉五年行朱子社會法在郡城泮
宮戟門東修名宦祠脩城西坤多洛橋設貴德康家寨渡口
官船六年重建郡城泮宮並於戟其門西建鄉賢祠建襟河
帶海坊於東郭門外請准設貴德所民兵千總九年請准
設丹營爾主簿移大通衛署於白塔城十年請准設巴燕戎

通判創建西甯城鄉社會立各處社學十一年設丹當爾新
社學並設回民社學於郡城東關建孟忠毅公祠養濟院樓
流所於郡城設碾伯縣養濟院建彰善亭於郡城學街創建
郡城西郊惠民橋添建西碾大各處新倉十二年設貴德所
義學公立德治政卓華可考然公非獨優於政事而其文學
亦甲於當時乾隆十二年公闕懷文化乃纂西甯府志四十
卷搜羅採廣博論新精詳識者贊之其他詩詞亦皆名貴公
兩任西甯道約計^十餘年凡所條議多切中時要行之足以經
世如請設營汛以安邊民免西碾二邑馬糧添駐碾伯巴燕
戎縣佐開大通城紅山嘴東荒地之類皆能通籌邊要衛國

保民非偶然也公祖宗仁諡清懿公康熙五十二年任西甯道振頽剔弊德政至今人猶道之郡之耆獻擬祀名宦尚未之行公克之緹祖武他日當益請之云

屈筆山字文翰陝西蒲城人乾隆丙辰進士歷任銅梁文城等縣知縣政績昭著所在皆建生祠性峻直不阿遂左遷西甯府教授十三年抵任憫邊方士風未振諄切教誨學以躬行實發為隸凡士之品潔而行優者必獎勵之有過失者必懲之或遭冤抑亦多方為之伸解以故在任八載士習丕變後卒於官西礪二邑建祠於明倫堂側立有碑記入藝文志冷文煒山東膠州人由乾隆甲子副貢生考取景山等處教

習期滿以知縣用乾隆二十五年揀發甘肅歷署秦安兩當
安定靖遠等縣知縣所至有聲大計卓異補山丹縣知縣調
補皋蘭知縣縣會西甯事務浩繁大吏調公治之乾隆四十
九年抵任清積訟決疑殺節浮費罷差役一切善政罄竹難
書先是楊公應璩任西甯道時置博文約禮二齋於明倫堂
側俾士子肄業其中歲久浸廢公至招諸生而示之曰君子
化民成俗其必由學講學既無專地安望學業之相與有成
遂闢南寺舊址為湟中書院捐資添設膏火聚諸生而考課
焉公子絃玉孝廉隨侍在任學問淹通公從郡人請俾主講
席德行道藝朝夕討論暮年而士風丕變公升任後士民感

懷遺教迄今不忘公精書法里巷婦孺均稱道之

陳啓文字虹江江蘇泰興人由拔貢考授河南開河道嘉慶二十三年調補西甯道不畏強禦類貪婪者恒被參劾勤求民隱苛政悉剔履任之始即以振興學校為先變易風俗為急郡東六十里之平戎堡田多渠狹亢旱爭灌頓釀人命控案纍纍官吏憚於清釐以故案情大者恒八九十年不決公履畝勘新劃除飲畜之水餘令分時分日輪流灌漑慨其有地多而水少者令向水多之戶買灌迄今遵守遂成定例西甯縣額徵草束足供綠營官弁之需不肖者往往借助軍需之名多向民間分外採買番族苦之公得其情詳議永禁

郡城西郊有通濟橋者為往來大通丹噶爾要道每歲山洪暴發輒有冲涉之患公籌款脩葺民多稱便西甯縣知縣李于沅於客民曹鳳翎控賈爾壁欠銀一案未究真偽遞封財產賈爾壁上控公立劾李撤職審結其案貴德同知嵇承裕縱容書斗浮收糧卓民怨沸騰公即附青海大臣奏奉據跡揭參奉命提審適公因事去職歸田後讀書自娛不言國事莊俊元字印潭福建晉江人道光丙申翰林歷官國史館纂脩協辦翰林院譔文二十三年補西甯府知府抵任之後興學則捐添膏火重葺則剔除繁徭繕城池以弭盜賊修橋梁以利行旅甯邑張家寨碾邑河灘寨控爭水道積案四十餘

年未結公勘明田畝新定水分旌以誦讓二字衆咸欽服是時適有番衆擾邊公稟請制軍林則徐派西甯總兵站住前往雍沙等處查辦番衆懷德畏威獻賦歲事二十五年遷州番民求奴脫已戕殺土司楊國成之父藏於循化黑錯寺兵役往緝拒捕抗官明年公隨都統達洪阿剿辦七日平之二十七年巴燕戎撤民與黃卡窪番民械鬥波及各庄村公奉委查辦頗有知幾之言當道不納遂以病告退沿邊耆老至今思之

楊思師震字紹西靖遠人道光丁未進士改就教職咸豐五年任西甯教授學問淵博默識五經不遺一字崖岸自立不

趨時尚品行磊落有如此者課士以經史為根柢諸生課藝
稍有套襲紅勒滿紙責不少貸如嚴父然受其益者指不勝
屈後因靜遠失守閩家知守殉難憂憤填膺遂卒於任

朱應元字慎齋浙江秀水人道光丙戌翰林歷官雲南道監
察御史咸豐元年授愛陽府知府同治元年調西甯府知府
時地方不清軍機機大臣沈兆霖以代理陝甘總督名義率
兵數萬駐碾伯辦理軍務戎服請經人稱暇整公獨料其憤
事後果如所料二年跳梁者圍困郡城公款選兵樹威出而
彈壓勅令各堡訓練團勇自為守備禦惜為畏事者所沮四
鄉之民遂被荼炭自春阻冬城圍不解薪糧折絕死之枕藉

然公昕夕率民登陴枵腹從公巡守始終無懈正待大霄功
公以母喪去職此時道路阻塞公數款鉢而未果郡人遂請
主講湟中書院善誘循循迄今人稱道之道稍通謀鉢里卒
於皋蘭途次

承順正藍旗漢軍附生成豐五年投効湖北軍營克復武漢
以功授藍翎通判歷官甯夏監捕通判平番縣知縣所至有
政聲同治元年調貴德同知下車伊始適番回民衆因事械
鬥公平其宿願消禍於未萌又後脩葺城垣添設義學一切
善政實難罄述二年郡城變突起不肖之徒紛起響應貴德
境內各族離處尤感不安公力行保甲訓練團丁以壓服之

郡逃梁者潛遣其黨四出騷擾掠擄婦女時有所聞公得其
情輒令交出安置別院有主者給還無主者擇配逆黨不得
逞其欲恨之刺骨六年二月聚眾千餘內外結合乘夜攻城
陷之公提刀巷戰手刃十七人卒為飛石中頂暈悶僵仆猶
厲聲大罵遂遭支解全家被害事聞於上敕建專祠

劉錦棠字毅齋湖南湘鄉人少有大志喜談兵其叔忠壯公
松山率兵度隴公忝帷幄輒中機宜金積堡之役忠壯公死
死公以三品卿賜法福靈阿巴圖魯代握兵符同治十一年
秋大府檄公統帥湘軍進入湟中至小峽口逃梁者多方抗
拒絕公糧道公雖晝夜督戰苦於山勢隘險未獲長驅時屈

嚴寒惟眠雪飲水與士卒同甘苦調藥吮腫過於古人將士
感激誓以死戰公知家之可用時之已至遂相度地勢於河
灘塞白馬寺馬營灣三處搭蓋輓梁與孫通南北糧道身先
卒七十餘日遂入小砭跳梁者潰走巴燕戎郡城之圍遂解
民出水火皆筆食壺漿運於道左時十月十九日也先是禾
甫登場被匪蹂躪焚掠幾於無餘公知民飢甚挽運糧儲亟
圖賑恤全活極衆又念大同通縣屬向陽堡等處餘燻猶多
即乘破竹之勢一鼓而擒其首脅從者悉就招撫乃請於左
相以老弱為陝西籍者安插化平一帶其少壯者均令入伍
十二年移兵肅州匪衆聞風震懾遂復其城十三年冬除西

甯道抵任後即大散牛種令各村落葺繕屋宇災後民衆始
漸安居又添書院膏火助鄉會試卹資貧士廣沐澤膏未幾
河州亂復起公遣兵浹旬即平之光緒元年郡西二十里陰
山崩水渠壅塞張旱彭劉蘇河五安數千畝沃土幾作石田
公以民命攸關親督兵勇削平崖岸疏通渠道民賴以耕旋
奉調出嘉峪關平迪化等處亂開新疆省治積功封二等男
爵

龍錫愛字仁陔湖南安化人同治元年舉人九年歷官威信
軍營務處運糧賑墾厥功已著十一年統綏定兩營隨湘軍
統帥隸劉錦棠部入湟中小碛口之役攻破壘砦斬馘敵無

數郡城圍解其功甚多遂除西甯府知府抵任浚溝導溝渠
招徠開墾春初出籽種撥設農器以正養命之源建城鄉義
學增書院膏火刻四書五經立尊經書局又置同善公所施
給死亡棺木立旌忠旌節兩祠凡善政事蹟昭昭在人耳目
而其大快衆心者即為懲治悍民不畏強禦往往便宜行事
斃之杖下以木槩籠致死逆首馬正世中王來娃並漢奸孫正
娃一時強暴飲刃頓形柔弱之輩感澈泣下去任之日攀轅
卧轍至數百里詩云樂只君子民之父母其斯之謂歟

鈔甘肅通志 卷五十八（四十二頁）

西甯府

漢任 尚安帝元初間任中郎將屢破西羌先零狼莫零昌
又降西河震人種羌餘口平隴右

（明）長 略號結峰河州人萬曆八年以世襲指揮同知任貴
德所分守遊擊時套夷丙兔侵畧邊事孔急畧撫番恤衆得
保孤城十七年大落赤大肆猖獗盤據煖泉畧創築民堡脩
固三載寨設險濬池賑濟貧乏強夷咫尺隻餘無遺內外倚
以為重

（國朝）韋禧永乾隆五十一年任西甯縣丞秉公如私無愛民

如子創立書院治平磨石溝峽險道士民頌德

余景奎沅陵人乾隆五十七年任貴德同知督脩衙署勤政
愛民

稽承裕號錫山嘉慶元年任貴德同知請脩知聖廟以開文化
移置遺祀以息刁風士民德之

承 順號露鄉漢軍正藍旗人同治元年任貴德同知興利
除弊多善政六年回亂城陷力戰而死全家殉難經御史吳
可讀奏 聞旌卹 予諡勤愨建立專祠

楊永平號垣齋隴西縣人由舉人大挑咸豐九年任貴德儒
學訓導正直性成訓練勤懇同治六年逆回陷城罵賊不屈

挺身殉難

加註

照錄西甯府續志 下冊

官師志

循良

鄧增字景亭廣東人光緒十八年任西甯總兵乙未之變西甯道陳嘉績圍困循化公奉命救援始解其圍及反至扎巴馬兵不過兩旂尚撥三十人赴蘭領餉步兵不滿三百忽匪衆萬餘人意圖包圍公聞警即帥全軍出城苦戰自卯至酉始將匪衆擊退而西甯復飛檄告急公即將扎巴存為焚燒星夜由東關進城晝則督戰夜則巡城八月初二日之役匪大舉入寇公血戰竟日卒將西川之匪衆萬餘擊退次年隨大軍征剿

西川多巴北川蘇家堡及大通附近之殘匪趕出水峽全隍肅清西寧人士以公功在生民遂供長生祿位於報恩生祠

蕭承恩錫字三湖北人光緒二十一年春任西甯縣知縣兵燹以來公晝夜苦勞席不暇暖者閱九月有奇時奎欽差有精字營西甯道有衛字營西甯府有生字營各欲圖功不聽聲增調遂致文武意見分歧賴公暗中調停地方得以無恙亂既平撫綏難民無微不至甯人感戴但長生祿位於報恩生祠

馮閣臣諱麒臨夏縣人民國二年任西甯鎮總兵後改甘邊甯海鎮守使兼青海宣慰使設玉樹都蘭理事以作經營青海之先聲公禮賢下士勤政愛民丁酉歲大饑鄉民之來城覓

食者約萬人公商諸黎雨民觀察飭西甯縣縣長周希武巡
警局局長明璋在大倉院設粥場以活民命至秋熟始已婦女
有衣不蔽體者給布袴至數千條之鉅次年又發籽種糧盡則
繼之以銀其惠濟窮民有如此至如崑崙爭界遣使藏衛及查
辦重要諸番案皆關係國家大局固昭昭在人耳目無待煩言
迨國民軍東下被舉為青海省政府主席歿則建祠於北郊
每於生辰忌日舉行隆重典禮以表其德

西甯府續志 下冊 卷十

猶良 摘錄大通縣志

(三四頁)

問 曇字惺齋道光六年任大通訓導學富品優手不釋
卷接篆後即招集生童朝夕講學士之有志進取者皆就
正焉從此文風日振著有大通草志藉免修邑乘者之困
難按問曇似別號非姓氏待考

循化廳

長 賈字心齋瀋洲鑲黃旗人光緒丙戌蒞任勤政愛民

清廉自持其善政如籌款興學

銜鑄發倉救飢

公孫海金身
積少成多存

涉於建儲備倉七年歲
餘冬去平糶全信老宗 建修橋梁衙署嚴辦大盜痛懲暴民

及解決上四工積久水案周濬無數較娶華華大端不勝
枚舉在任餘十年積勞成疾光緒二十年冬卒於官猶民
感激立石以誌其德

貴德廳

官懋德字敬宣四川人光緒八年到任察民疾苦潔已奉
公廳治東山後有家加多加生番二族即夜自大窩賊分
贓搶案疊積歷任無法辦理公選民兵幹役二十餘人率
往緝拿賊酋糾集匪眾負隅拒捕公直搗其巢遂將百戶
一人綁縛而還匪眾復欲逞搶奪公令將要犯嚴防先行
自己匹馬單刀獨力殿後匪眾仍鳴槍追尾至康家寨營

汎始踉蹌而退到廳即按律詳辨奉准監禁十年從此遠
近番匪畏法斂跡十餘年來行旅無復困難

監察院監察委員黎雨民先生事略

撫漕運總督江蘇巡撫謚文肅 父錦纓由一品蔭生官至

太常寺卿子宣樸年已十七頭角岐嶷女素娟適黃 公生

於廢清同治十二年癸酉中式光緒丁酉科湖南鄉試副貢生

授直州判未掣籤即應江西巡撫夏午詒聘入幕襄文牘積勞

晉知州選甘肅寧州知州到任甫三月頗著循聲以家諱去官

甘督升吉甫器之留辦甘肅文高等學堂旋仍徒步奉覲歸葬

故里起服後將回原省而國體已更譚組庵為湖南都督延

公入幕掌書記未幾甘都趙芝珊電調再四情不可却復來甘任

都督府祕書職主辦文牘參預機要趙督解職 公以私人交誼

應西寧鎮守使馬公閣臣聘襄贊幕職民國三年張勳伯督甘
閣公赴蘭借 公行動伯器 公留任督署總務科長積勞授
四等嘉禾章翌年閣公以邊務繁重再四敦促 公又返湟民國
七年簡任西寧道道尹下車伊始 公念蒙藏川康時有無形
抵觸然多出於語言文字之扞格於是約集同志十餘人立藏
文研究社共同研究藏文藏語以造就多數人才備邊防折
衝之用為溝通文化之舉在任八年成效大著十四年秋與甘
督陸政見不合力辭去職回籍省墓十六年充甘肅省政府代
表參加全國財政會議十七年冬青海建省任 公為省府委
員次年創辦青海省黨部 公為籌備委員未幾兼省府

秘書長職二十二年晉國民政府監察院監察委員就職後 公
以生平研究內典已得精蘊遂約同志數人結巡禮團將入藏以竟
其功道出青海適值援寧夏之役正在設備當局堅留臂劃居
半年事解赴拉薩適黃某將命入藏於應辦事件未能進行

公以有關國體多方調停卒達目的藏人對 公益深敬仰 公

乃歷游各寺精研三藏在拉薩者數年著有漢藏小字典翻譯名義
集漢藏大字典西藏文法西藏語法等書又有漢譯藏經六十餘
種及西藏問題材料之搜羅本黨黨義術語集且通小學憤外侮
著有說文箋注一卷禦侮烈士詩一卷靈州雜吟一卷珊瑚硯齋詩
四卷其餘詩文稿本甚多出版向需時日二十六年返京供職蘆溝

事起 公奔走蘇渝鄂湘間突未嘗黔席未嘗暖本年八月因事暫回
湘潭雖只月餘然朝夕向鄉人宣傳抗戰意義迄無暇晷十月杪忽
聞溘逝全遑悲悼當此非常時期正需才如 公者襄助抗戰事
宜分中樞之憂謀國家之福天不慙遺良堪痛惜此則 公生平
出處之大概也至其文章學術政治道德居家處世一一迴非常
人則又皆可述焉 公天資明敏過目不忘幼承庭訓長交名流其文
辭在歐蘇曾陸之間其公牘如陸宣公曾湘鄉之奏議其學術則兼
漢宋之長略無門戶見地其政治以力求民隱推拓教育察吏安邊
為宗旨其道德以冰清玉潔介取博施為時人所推許其居家事父
母伯叔和顏悅色喪祭盡禮待昆仲怡怡切切有灼艾大被之風

其處世在居處恭執事敬以誠接物推己及人以故交游滿天下而人皆曰賢桃李環門牆而人皆沐其惠僚屬或黜或陟莫不曰仁作幕無久無暫必忠其事當在湘幕時國體新更物議紛擾公佐譚公以不嚴而厲不肅而成操縱平之其在甘督趙張二公之幕也或贊以維繫邊局延攬人才或贊以擁護黨國打擊洪憲惟在青海時日最久先閣公主席信任最專而公之事功亦最著如擒呂光平果洛禁罌粟振饑民建設玉樹振興教育不造省幣不附和督軍團之類雖以十日之力更僕數之不可得而盡也其最為人所難能者年逾六十而策騎萬里入藏考研內典家僅小康而以累世藏書約值萬金捐贈青海省教育會以餉人士此則公生平

行誼之大概也 公今已矣特略述之以備修國史者他日之採擇

云爾

照抄大清一統志 名宦

西亭府

漢傅育

北地人顯宗初為臨羌長與捕虜將軍馬
武等擊羌滇吾功冠諸軍以為護羌校尉
追擊叛羌戰歿

晉竇允

始平人武帝時侍浩亶長勤於為政勸課
田蠶平均調役百姓賴之

馬隆

東平平陸人太康初朝廷以西平荒毀降隆為
太守時南虜成奚每為邊患隆進兵擊破之積
十年威信著於流石及以年老徵氏羌聚結百
姓驚懼朝廷恐國流復擾乃遣隆復職竟卒
於官

隋楊達

高祖族子開皇中為鄴州刺史有能名

慕容三藏

燕人開皇十二年授廓州刺史州極西界與吐
谷渾接犯法者皆遷配彼州流人多有逃逸

及三薤王招納抗叛百姓愛悅詔及日王吏民
歌頌之

唐黑齒常之

百濟西部人之宗母為河源軍副使調露中
吐蕃使贊婆入寇常之引精騎三千夜襲
其軍贊婆單騎遁即拜河源道經略大使因
建言河源當城衝宜屯兵鎮守而邊饑須廣
乃斥地置烽七十所墾田五千頃米收粟斛百
餘石由是令良術士積戍邏有傷凡薤軍七年
吐蕃憚畏不敢盜邊

婁師德

鄭州原武人上元中為河源郡司馬与吐蕃戰
百水洞八戰八克后為河蘭郡廓州檢校

郭知運

瓜州晉昌人昭皇時為陇右將軍節度大使兼
州都督善經略使開元三年大破吐蕃獻俘京
師明年復出將輕兵兩夜至九曲獲精甲名馬
犂牛甚众知運屯西方戎夷畏憚与王君奭
功名略与時號王郭

哥舒翰

西人為沈右節度副大使兼神威軍節度使
吐蕃攻破之更築於沈駒島有白沈見因魏應
沈城鞠相其川原宜畜牧擄器人二千成之由是
吐蕃不敢近其海天寶八載鞠攻石堡城下之遂
以赤崖為西塞開屯田傷軍二家

杜希望

美年人昭皇時拜嘉州都督知蜀州時吐蕃攻
勃律劫乞歸希望立弛傳度沈破烏破友斬
于作級進括新城振旅而遠置鎮西軍時軍
居興齊庫宜寧希望居數年勿粟金帛

畫好官以半仙童行邊或對詰其款答曰此世
此藩身吾不忍仙童還妻希望不職下遷恒
加刺史

宋何灌

開封府符人爲廓州防禦使至兵圍汴時灌
控守西隅背城拒戰被鎗歿於陣

劉仲武

秦州成紀人徽宗時爲西寧都護童貫招誘
羌王子臧征樸收積石軍邊仲武計事仲
武曰王師入羌必降或退伏巢穴可乘其便

但所橋功力大如倉猝或緩急要預為耳
貫許以便宜樸板果約降河橋亦或貫掩其
功仲武亦不自言以徽宗召仲武勞之官其九子
樸板舊作僕哥台改

趙 隆

秦州成紀人徽宗時知西寧州充陝右都護
羌豪信服十二種戶三萬六年願比內地帥劉
法西討隆以奇兵襲羌羌潰城震武

明 李 達

永樂初以都指揮使帥師破西寧申薩訶番

生禁其魁進都督愈了

李英

西番人永樂中為西寧都指揮命了番使張
達爾瑪也通澤吉成祖授以左翼義居西寧
恣甚納逋逃交通外域劫惡十餘年英安其
了磔死西陲快之中官喬來茲為使西域道
安定曲先遇賊見殺掠所齎金帛仁宗勅英
進計存款甚众其王桑尔结沙克佳為詣闕
禱罪宣宗嘉英功擢左都督封會寧伯
張達尔瑪舊作張答里麻桑尔结沙克佳舊

作桑尔加失夾台并改

史
昭

合肥人永阜末以都指揮令守鎮西寧仁宗立
進都督令守上言西寧俗鄙悍請設學校以
中土報可宣德初昭以衛軍守禦不暇屯種其
家屬願力田七十餘人得俾耕藝收其賦以
足軍食從之尋討曲先擒其党於馬說牛子
三十餘家威震塞外臺老慰勞賞賚加焉

本朝楊宗仁

歷西寧道西寧古湟中地西陲要衝宗仁在

任振顏別契受歲花圃乾隆九年

音入祀賢良祠

00200

94.4
7